

सिन्धु-गाथा

সিন্ধু-গাথা

শ্রীগিরীন্দ্রমোহিনী দাসী

প্রণীত

কলিকাতা

শ্রীগুরুদাস চট্টোপাধ্যায়

প্রকাশিত

•

১৩১৪

কলিকাতা,

১৭, নন্দকুমার চৌধুরীর দ্বিতীয় লেন,

“কালিকা-যন্ত্রে”

শ্রীশরচ্চন্দ্র চক্রবর্তী কর্তৃক মুদ্রিত ।

আমার

লোকান্তরিত, পুণ্যলোক,

সিন্ধু-হৃদয় জনকের

শ্রীচরণোদ্দেশে .

সিন্ধু-গাথা

উৎসর্গ

করিলাম ।

বার্দ্ধী,)
:৩১৩।)

সূচীপত্র

বিষয়	পৃষ্ঠা
১। সিন্ধু ...	১
২। সমুদ্র দর্শনে...	২
৩। জলধি ...	৫
৪। আমাদের কুটার	৭
৫। অভিযন্তা ...	৯
৬। 'ডলফিন্স নোজ'	১৬
৭। অচেনা ...	১৭
৮। মব-বৈধব্য	১৮
৯। চিত্রে ...	২০
১০। উপেক্ষিত ..	২১
১১। স্বপ্ন সম্ভাষণ	২২
১২। পলিত ...	২৯
১৩। মিরান্ডা...	৩০
১৪। সমুদ্রমানে ...	৩৩
১৫। মধ্যাহ্নে সমুদ্র	৩৫
১৬। অপরাহ্নে ...	৩৬
১৭। সন্ধ্যায় ...	৩৭
১৮। পারাবার ...	৩৮

বিষয়	পৃষ্ঠা
১৯। খেলা ...	৪০
২০। লুকোচুরি ...	৪৩
২১। প্রবাসে বর্ষা ...	৪৫
২২। শ্রাবণে ...	৪৮
২৩। বঙ্কিম চন্দ্র ...	৫০
২৪। স্বাগত ...	৫২
২৫। সীমাদ্রি শিখরে ...	৫৪
২৬। নদী-বধু ...	৫৭
২৭। তমসা তীরে ...	৫৮
২৮। আয়েষা ...	৫৯
২৯। ভাবনা ...	৬১
৩০। ধীরে ...	৬৩
৩১। শিখাও ...	৬৪
৩২। পূর্ণিমায় ...	৬৫
৩৩। মুগ্ধা ...	৬৭
৩৪। মধু মাসে মাধবী ...	৬৯
৩৫। চিত্র ...	৭১
৩৬। সমুদ্র-গর্জন-শ্রবণে ...	৭৩
৩৭। হৃদয় ও সিক্ত ...	৭৫
৩৮। সিক্তর প্রতি বিদায়োক্তি ...	৭৭

सिद्ध-साध

সিফু ।

মিলিত বিস্তৃত দিগন্ত-নীলে,
উত্তাল-তরঙ্গোদ্বেল-উর্শ্মিলে !
নর্ভিত-গর্জিত-প্রলয়-ছন্দা,
চঞ্চল-কল্লোল-জলদ-মদ্ভা,
কার্পাস-ফেনিলা বেষ্টিত-বেলা,
তাল-তমাল-সুরম্যা, সুনীলা !

সমুদ্র-দর্শনে ।

আজি সুবিমল পুণ্য প্রভাতে
 হেরিছু তোমারে দিগন্তসীমাতে,
 রাস্না-রবি-টিপ পরিয়া ভালেতে,
 গোলাপী বসনে সাজি' ;-

কণ্ঠে দল-মল গুত্র মালিকা,
 আবদ্ধ কুন্তলে তরঙ্গ-জালিকা,
 নৃত্য-চপলা মুখরা বালিকা
 বাহু তুলে' নাচ সাজি' ;
 —চঞ্চলা বালিকা আজি

মধ্যাহ্নে হেরিছু যুবতী সুন্দরী,
 পরি' ঘনঘোর স্নিগ্ধ নীলাশ্বরী,
 ছড়ায়ে দিগন্তে সুনীল মাধুরী
 নীরদ-কুন্তল সাজি' ;

স্বফীত-হৃদয়া, পুলক-বিবশা,

গুরু-গম্ভীর-নিনাদ-সরসা,

সিন্ধু-সৈকত-লিপ্ত-রভসা

উদ্বেল তরঙ্গ-রাজি ;

—প্রমত্তা তরুণী আজি ।

সুখ-চঞ্চল-উন্মি-অধীরে,

স্বফীত অঞ্চল লুপ্তিত তীরে,

তাল-রসাল-রাজিত-তীরে, .

চলিয়াছ ডাকি' ডাকি' ;

—ফিরে ফিরে, থাকি' থাকি' ।

হেরি নু নিশীথে মোহিনী অমরী,

তারকা-কুসুমে খচিত-কবরী

মিলিত-চন্দ্রমা-পূর্ণিমা-শর্করী

নেহারি' হরষে ছলি' ;

কনকাস্বর ঝলমল অঙ্গে,

কৃষ্ণ কাবেরী গোদাবরী সঙ্গে,

ভূষিত সু-অঙ্গ হীরক-তরঙ্গে,

চলেছ' গরবে কুলি'—

বাসর জাগিতে সাজি' ;

—প্রোঢ়া গৃহিণী আজি ।

দেখিছু বালিকা, দেখিছু তরুণী,
দেখিলাম তোমা প্রোঢ়া গৃহিণী,
চির-চঞ্চলতা মুহূর্ত্ত ছাড়েনি—

গ্রথিত সে যেন অঙ্গে !

অব্যক্ত ভাষায় ব্যক্ত কোন বাণী
চাহিছ করিতে,—অয়ি স্মৃতাধিণী !
কি বলিছ নরে হে নীল-অঙ্গিনী !

ডাকিয়া তরঙ্গভঙ্গে,

নিনাদি' শত মৃদঙ্গে ?

এমনি চঞ্চল জীবন-বারিধি,
নাহিক এমনি আশার অবধি,
হেন ভীম স্রোত বহে নিরবধি ;

সতত দুরাশা-কূলে ;

এমনি উদ্দাম, এমনি তরল,
এমনি সফেন, এমনি প্রবল,
এমনি ছুটিয়া করি' কল-কল,

লুটিয়া বেলার কোলে,—

ঘুমায়ে পড়িবে ঢলে' !

জলধি । .

এ ঘোর আবেগ-রাশি অর্পিয়া তোমার বুকে
 নিশ্চিন্ত আছেন যিনি গভীর সুষুপ্তি-সুখে,—
 তাঁরে কি জাগাতে তব এ গুরু-গর্জন-গান ?
 চিরদিন চিররাত্রি নাহি তিল অবসান !
 উদ্গিরিত ফেনরাশি যেন কার্পাসের মেলা,
 আছাড়িয়া ক্ষোভে রোষে আক্ষালিয়া ভাঙ্গ বেলা ;
 উত্তাল তরঙ্গরাশি ছুটে এসে মাথা কুটে'
 নিফল আক্রোশে ফুলি' শৈলপাদে পড়ে নুটে ।
 অচল অটল গিরি স্থিরভাবে দাঁড়াইয়া,
 গর্জনে ক্রন্দনে শত গঙ্গল নাক বিন্দু হিয়া !
 হ্রস্ব বালিকা যেন হস্ত পদ আছাড়িয়া
 কভু কঁাদ, কভু হাস, কভু পড় নুটাইয়া !

সিন্ধু-গাথা ।

৬

অচল ভূধর স্থির,—স্থবির জনক সম
অকম্পিত ; দেখে চেয়ে মনোরম পরাক্রম ।
প্রশান্ত মাতার সম ও তব উৎপাত-খেলা
অবিরাম অবিশ্রাম সহিছে জননী-বেলা !
কিবা তুমি উন্মাদিনী ;—কে কৈল পাগল তোরে ?
প্রশান্ত গম্ভীর হিয়া কে দিল চঞ্চল ক'রে ?
সুনীল দিগন্ত ওই সাদরে বেষ্টিয়া হিয়া
দিয়াছে সুনীল হৃদে নীল হৃদি মিশাইয়া,
তবু তুমি উন্মাদিনী ! কি চাও—কাহারে পেতে ?
সুনীল অঞ্চলে তোর শিশু রবি উঠে প্রাতে—
প্রদানে কিরণ-রাশি ; পুলকে জগত ভোর ;
তাই মর মাথা কুটে'—ধরণী সপত্নী তোর !
ছুটে এস গ্রাসিবারে শত শত ফণা তুলি' ।
সপত্নী-বিদেবে শেষে উন্মিলে ! উন্মত্ত হ'লি !
কিবা, আজো দেবাসুরে মহন করিছে তোরে ;
প্রোথিত মহন-দণ্ড নীলগিরি—নীল-নীরে ;—
তাই উথিত ঘর্ঘর ঘোর বিকীরিত ফেনোচ্ছল !
উন্মত্ত অধীর তাই প্রশান্ত সুনীল জল !
অমরে অমৃত দিলি,—নীলকণ্ঠে হলাহল ;
রত্নময়ী সুনীলে গো ! মানবে দিলি কি বল ?

আমাদের কুটীর ।

আমাদের কুটীরখানি সমুদ্রের ধারে—
 মিশিয়ে গেছে জলের রেখা আকাশে ওপারে ।
 ভোরের বেলা উঠলে রবি শত রঙ্গের মেলা ;
 ইন্দ্রধনু-বসনখানি পরেন রাণী-বেলা !
 শুভ্র ফেনের আঁচলখানি গরবেতে ফুলে,
 কূলে কূলে ছলে' ছলে' লুটায় পদমূলে ।

আমাদের কুটীরখানি সমুদ্রের ধারে—
 মিশিয়ে গেছে জলের রেখা আকাশে ওপারে ।
 আঙ্গিনার সম্মুখেতে বিস্তারিত বেলা,
 তরঙ্গিত বালুর স্তূপে কড়ি-ঝিনুক-মেলা ;
 ছোট বড় গাঙশিলা পড়ে' জলের তীরে,—
 করী যেন করভ সাথে নেমেছে নীল নীরে ।

সিন্ধু-গাথা ।

৮

আমাদের কুটীরখানি সমুদ্রের ধারে—
মিশিয়ে গেছে জলের রেখা আকাশে ওপারে ।
ঘন তালী-বনের মাঝে সরু পথের রেখা,
সুন্দরী-সীমন্তে যেন সিন্ধুরের লেখা ।
বাতাস সদা মাতাল যেন উঠে' পড়ে' ছুটে,—
নারিকেলের কুঞ্জগুলি আকুল মাথা কুটে !

আমাদের কুটীরখানি সমুদ্রের ধারে—
মিশিয়ে গেছে জলের রেখা আকাশে ওপারে ।
ধীবরের নৌকাগুলি কালো টীপের মত
ঢেউয়ের সাথে লুকোচুরী খেলছে অবিরত ;
উপলে রচিত গুহা—ঢেউয়ের তীব্র বেগে,
তারি মাঝে বসে' বসে' স্বপ্ন দেখি জেগে' ।

আমাদের কুটীরখানি সমুদ্রের ধারে—
মিশিয়ে গেছে জলের রেখা আকাশে ওপারে ।
ধু-ধু ধু-ধু বারি রাশি, হু-হু হু-হু গান ;—
তারি মাঝে হারিয়ে ফেলে' মুগ্ধ সরল প্রাণ,
অন্ত-মনে থাকি চেয়ে,—বালুর পরে বসে' ;
মাথার উপর ফুটে তাক্সা, সন্ধ্যা নেমে আসে ।

আভশ্যপ্তা ।

তেজোদর্পে গিয়াছিল ঢাকিতে সবিভা
বিন্দ্য ; অগন্ত্যের শাপে চির-নত শির ।
কার শাপে তব বক্ষে হেন আকুলতা
নীরনিধি ?—চিরদিন এমন অধীর ?

ঘুমায় সমগ্র বিশ্ব আগমে রজনী ।
শুধু জেগে থাকে তারা সুনীল গগনে ।—
কার শাপে নাহি নিদ্রা অয়ি গরবিনী !
চিরদিন চিররাত্রি তোমার নয়নে ?

জেগেছিল এক দিন অহল্যা পাষাণী
ভেদ করি' পাষাণের দৃঢ় বাহু-পাশ,
ঝেড়ে' ফেলে' শৈল-অঙ্গে পাপ-তাপ-মানি-
লভেছিল জীবনের নবীন বিকাশ ।

পেয়েছিল অভিশাপ হরিণী রমণী
ভৃগবিন্দু-তপোবনে, হোমানল-দাহে ।
নাচিতে নাচিতে যেন স্বর্ণ-কুরঙ্গিনী
অদৃশ্য হইল ভীম-তটিনী-প্রবাহে !

অভিশপ্তা অজরাজ-প্রেয়সী কামিনী
ফুটেছিল রাজগৃহে স্বর্ণপদ্ম ফুল ;—
সুখসুপ্তা উপবনে নৃপাক্ষশায়িনী
মুক্ত হ'ল পুষ্পবাসে,—জীবন অতুল ।

রমণীর চপলতা-পরে অভিশাপ
দানিতে, কঠোর ঋষি,—সেও ব্যথা পায় ;
সুকোমল পুষ্প পেলো ঈষৎ উত্তাপ
সে যে গো লুটায় পড়ে অমনি সেথায় !

কে দিল এ গুরু শাপ তোরে লো বারিধি ?
কেমন হৃদয় তার কুলিশ-কঠোর ;
এত কি সহিতে পারে রমণীর হৃদি ;
চির-স্কন্ধ এ উত্তাল-উন্মি নৃত্য ঘোর ?

শুক-মুখ-ব্রষ্ট ফলে পলাশ-পতনে
অদূরেতে বনভূমি শোভিত সুন্দর,
চরিছে স্থাপদ সহ কুরঙ্গিনী বনে ;
নানাবিধ বিহঙ্গম করে কলস্বর ।

হোম-ধূমে বিবর্ণিত পাদপ পল্লব,
শুখায় বকুল-বাস তরুশাখা 'পরে,
উঠিতেছে সাম-গান সুগভীর রব ;
ইন্দুদীর ফল-ভগ্ন-তৈলাক্ত প্রস্তরে ।

আর্দ্র জটা, গৌর তনু, তরুণ তাপস,
বক্ষে শোভে উপবীত ; পদপত্র ভরি'
ফিরিছে চয়ন করি' ফুল তামরস ;
মুখে মুখে বেদ-গান উঠিছে গুঞ্জরি' ।

ফিরিছে কুটীরদ্বারে স্নাতা ঋষি-বালা,
সুশোভিত কর্ণমূলে শিয়াল-মঞ্জরী ;
কেহ গাঁথিতেছে নাগকেশরের মালা,
ক্ষুদ্র ঘটে সিঞ্চে কেহ আলবালে বারি-

ঈষৎ আরক্ত শ্রমে—আনন-কমল ।
বিন্দু বিন্দু ঘর্ষবারি অগুরু উপরি ।
কেহ রাখে পূতবারি ভরি কমণ্ডল ;
সাজায় কুসুম কেহ পুষ্পপাত্র ভরি' ।

অদূরে মালিনী ছুটে করি' কুল-কুল,
প্রিয়-চিন্তা-নিমগনা তাপস-সুতায়
জাগাতে, কুটীর-দ্বারে ;—দক্ষ বনফুল
হয় পাছে দুর্বাসার কোপায়ি-শিখায় ;—

করেতে কপোল ঞ্জস্ত,—কুটীরের দ্বারে ;
শিথিল বন্ধল-বাস পড়েছে খসিয়ে ;
একাগ্র তন্ময় দৃষ্টি বিদ্ধ ধরা 'পরে ;
মুক্ত-অঁাখি কুরঙ্গিনী মুক্তমুখে চেয়ে ।

কারে জাগাইবে তুমি, হায় লো মালিনী !
বাহ-জ্ঞান-বিরহিণী-চিত্র-পুস্তলিকা ।
তুমি কি জাননা অয়ি তরঙ্গ-রঙ্গিনী,—
নারী-হৃদে কত দীপ্ত অনুরাগ-শিখা ?

হেন শান্তি-ভূমি-মাঝে উপল প্রস্তুরে
গুপ্ত থাকে বজ্রকীট !—কহিলা দুর্ভাসা,—
ছিন্ন করি' উপবীত নিক্ষেপি' সজোরে—
যারে ভাবো, সেই তোরে ভুলিবে ; সহসা—

পশিলা সে বজ্র-ধ্বনি দ্বিতীয়-জীবন—
শকুন্তলা-প্রিয়সখী প্রিয়স্বদা-কানে ;
লইলা শাপাস্ত তিক্ষা ধরিয়া চরণ,—
“দূরিবে বিশ্বাস-মোহ কোন অভিজ্ঞানে ।”

কেহ কি দূরিতে নারে তব হাহাকার
হে জলধি ? নাহি তব প্রিয়-অভিজ্ঞান ?
অনন্ত রতন-রাশি গরভে তোমার
যা ছিল,—সকলি কি গো করিয়াছ দান ?

আপনা করিতে যুক্ত চাহ না মানিনী ?—
কেন তবে, কেন সখী ! ওই হ-হ গান ;
নিঃফল রোদনে কেন দিবস-যায়িনী !
আকুল-ব্যাকুল কর মানবের প্রাণ ?

অভিশপ্ত যক্ষবর রামগিরি 'পরে
সহেছিল হেন ব্যথা এক বর্ষ-কাল ।
সে বেদনে, মহাকবি, মেঘে দূত করে
পাঠাইয়াছিল স্বর্গে, যেথা মহাকাল

বিরাজেন গৌরী সাথে ধ্বলশিখরে,
ঘোষিতে বিয়োগি-ব্যথা পটহ-বাদনে
মৃদু মৃদু গুরু গুরু স্নগস্তীর স্বরে ;
মুদ্রিতে বিরহ-ক্লেশ ধূর্জটীর মনে ।

তোমা'রে করিতে শান্ত হে অভিমানিনী,
কারো কি সদয় হস্ত নাহি আশ্বাসিতে ?-
গর্জ্জবে ও হৃদে চিরসহস্র নাগিনী ?
হুর্জ্জয় ঝটিকা-বেগ ছুটিবে বক্ষেতে ?

পেয়েছে কি হেন শাপ এ জগতীতলে
আর কোন অভিশপ্তা তোমার মতন ?
উত্তাল তরঙ্গরাশি এমনি উথলে ?—
উন্মত্ত ঝটিকা বন্ধ করে আলোড়ন ?

হে চণ্ডী, কোপনে অয়ি, অয়ি উন্মাদিনী,
বুঝেছি ও খল-খল অট্ট শুভ্র হাসি।—
—নীরবে সবে না ঘাত কখনও তামিনী ;
একদিন প্রতিশোধ লবে বিশ্ব গ্রাসি’

‘ডল্‌ফিন্‌স্ নোজ্’ ।

হে গিরি ! চরণ তব প্রক্ষালন করে’
নিত্য কি সাধনা করে উন্মাদ সাগর ?—
‘আছাড়ি’ ‘আছাড়ি’ পদে কি বেদনাভরে,
মাগে কি অমূল্য নিধি নিত্য রত্নাকর ?

অচল অটল তুমি স্তম্ভিত পাষণ ;
হর্ষ শোক পারে কি হে স্পর্শিতে ও প্রাণ ?—
কুটীরে বসিয়া নিত্য হেরি নিরন্তর
তরলে কঠিনে অহো কি মহা সমর !

অচেনা ।

চিনি না তোমারে, চিনাইব কারে, না জানি কোথায় ছুটিয়া !

মাঝে মাঝে শুধু করি অনুভব,

মধুর অতুল ও অঙ্গ-সৌরভ

হরষে তুলিয়া গুঞ্জন-রব,—উনমাদ যাই ছুটিয়া ;

মুদিত কমলে অন্ধ ভ্রমরী,

হেথা-হোথা-সেথা কোথায় না ঘুরি,

ক্ষত বিক্ষত হ'য়ে আসি ফিরি—সংশয়-কাঁটা বিঁধিয়া ;

কোথায় খুলেছ আনন-কমল,

বিমল মানসে কর ঢল-ঢল,

হ্যালোকে ভুলোকে ছুটে পরিমল,—আকুল ভ্রমরী কাঁদিয়া !

নব-বৈধব্যে ।

ব'ল না, ব'ল না, আমারে ব'ল না
কাটিতে চিকুর-রাশি !
কত সে যতনে রচে দিত বেণী
সাজায়ে মল্লিকা-রাশি !

অঙ্গে অঙ্গে মোর অতৃপ্ত পিয়াসা
সে যে গো গিয়াছে রাখি' ;—
তাই, এখনো পারিনে লুটাতে ধূলায়,
ভুলিয়া যতনে ঢাকি !

খুলিতে বোল না বলয় কঙ্কণ,—
মঙ্গল-আয়তি তার ;
দিও না মাথায়ে স্মমঙ্গল দেহে
অমঙ্গল-ছায়া তার !—

যবে দেহ হ'তে যাবে এ জীবন,—
 ফেল না ধূলাতে টানি' ;
 সাজায়ো যতনে এ তনু আমার
 দেবের নৈবেদ্য মানি' ।

বড়ই সাধের, প্রিয়ের আমার,
 জানিয়া এ তনুখানি,—
 দিও রে সজনী ! মল্লিকার মালা
 রচিয়া মোহন বেণী !

চিত্রে ।

ছন্দে বর্ণে যে মাদুরী পারি না ফুটাতে,
চিরপ্রিয় পল্লী-দৃশ্য, জলাভূমি-পথে,
তুলিকায় সে সুষমা, বর্ণসমাবেশে,
ফুটায় তুলিতে চাহি, দিবসের শেষে ।
দূরে মিশে শ্রাম ক্ষেত্র আকাশের কোলে ;
মৎস্তে ভরি' ক্ষুদ্র তরী বেয়ে যায় জেলে ;
গুটায় বসন তুলি' পাছে ভেজে নীরে,
হাস্তযুখে জাল-বধু গৃহে যায় ফিরে—
সারা দিবসের লভ্য যত্নে বহি' শিরে ।
সহস্র চুম্বন রাঙ্গা, আকাশের শিরে
রাখি' অস্তমান রবি, ধীরে ডুবে নীরে ।

উপেক্ষিত ।

জগৎ-কাব্যের মাঝে যত আছে শ্রেষ্ঠ গান,
বিপুল ধরার বুকে যত আছে রম্য স্থান,—
সবই সে চরণে তব ঢেলে দিয়ে মুগ্ধ কবি
অঁকিয়া গিয়াছে তব মনোজ্ঞ মধুর ছবি ।—

কোথায় তমসাতীরে, চিত্রকূট গিরিশিরে,
মালিনীর স্বচ্ছ নীরে চিরাক্ষিত উপাখ্যান ।—
সাগরিকা, মালবিকা, তরলিকা, নিপুণিকা,
প্রিয়ম্বদা, মাধবিকা—শত নামে পূর্ণ প্রাণ ।

জানিনাক কোন ভ্রমে ভুলে গিয়ে অন্ধ কবি
অঁকেনিক বন্ধুতার মহান সরল ছবি ;
কোন দোষে উপেক্ষিত—হে মিত্রতা, হে মহান,
কোন গুণে তোমা হ'তে উচ্চ প্রেম গরীয়ান !

স্বপ্ন-সন্তোষণ ।

১

আকাশের পানে চেয়ে চেয়ে,
আঁখি-দ্বয় মুগ্ধ, অনিমিত্ত ;
শরতের স্নিত-গুহ্র নিশি ;—
জ্যোৎস্নায় মগ্ন দশ দিক্ ।

চন্দ্রালোক গুহ্র শয্যা'পরে,—
পড়িয়াছে দেহের উপরে ।
আজিকার শশাঙ্ক-কিরণ
আসিয়াছে কি মদিরা মাখি' ;
কি দেখিছু সুন্দর স্বপন !
স্বপনে ভরিয়া গেছে আঁখি !—

শত-শত স্বপনের বালী
নেমে আসে আলোক-সাগরে ;
কেশদামে মোহনীয় মালা,
রঙ্গ-হাসি সুরঙ্গ অধরে ।

হাতে-হাতে ধরি ধরি সবে,
অভিনয় নয়নে নীরবে !
আকাশের মাঝেতে দাঁড়ায়,
ক্রমে ভেসে দশ দিকে যায়—
যেন গজমুকুতার মালা
— ছিঁড়ে গিয়ে মুকুতা ছড়ায় !

কারো করে ফুল ধনুগুণ,
চারুপদ-ক্ষেপ ধীরে ধীরে ;
মেঘগুণি পরশের আশে
সোপান হয়েছে স্তরে স্তরে ।
কারো শিরে মোহন কবরী,
যেন কাল-ফণিনী বর্জ্বল ।
বিনোদ সে ভঙ্গিমা নেহারি'
স্থানচ্যুত চারু তারা-ফুল !

কারো পিঠে ঘন কেশভার,—
 চুম্বে রাক্ষা দুখানি চরণ,
 দামিনী লুকায়ে মাঝে তার
 ক্ষণে-ক্ষণে দেয় দরশন ।
 আলোকে আঁধারে মিলে খেলা ;
 রচে চিত্র স্বপনের বালা ।—
 অনৃত ও নৃত দৌহে ধরি',
 মিশায়ে অপূৰ্ণ কারিগরি !

২

কোথা বিরহীর আঁখি-আগে
 রচিত মিলন-পারাবার,
 সাক্ষ্য-রাগে রঞ্জিত তরলী,—
 —মাঝে আসে প্রিয়তম তার ।
 কনক-ক্লেপণী পড়ে জলে,
 আসে যেন মন্তবলে চলে' ;
 হাসিরাশি মলিন আননে
 দেখ কি ফুটেছে মরি মরি !
 শীতের বিগুহ কাননেতে
 যেন মধু উঠেছে মুঞ্জরি' !
 একি একি ! কি হইল একি !
 হাসির উপরে আঁখি-জল !

প্রিয়-পার্শ্বে ও কারে নিরখি',
হ'ল বাল্য কাদিয়া বিকল !

ওই যে তরীর মাঝে রামা
কুসুমের কি নিশ্চিত প্রতিমা !
মাথা রাখি' যুবকের বুকে,
অনিমিত্ত চেয়ে মুগ্ধ মুখে !

বিস্বাধর উঠিছে কাপিয়া,
—গেল ভেঙ্গে গেল বুঝি হৃদি,
একি খেলা স্বপনের বাল্য !
দরিদ্রে মিলালে যদি নিধি !

কোনও রামা বিলম্বিতবেণী,
মধুর মৃদঙ্গ লয়ে' করে
হাসি' হাসি' আনত-নয়নী
দাঁড়াইয়া কবির শিয়রে !
মৃহ মৃহ আঘাতি' সুন্দরী
বলে,—দেখ, চেয়ে' দেখ কবি !
স্বর্গ মর্ত্য আহরণ করি'
আনিয়াছি কি বিচিত্র ছবি !

কবি কহে, একি গো স্বপন !
কই বসন্তের ফুল-বন ?
পারাবারে ক্ষুদ্র তৃণপ্রায়
এ আমারে ফেলিলে কোথায় !
আদি-মধ্য নাই,—নাই শেষ,
এ যে নব নীরদের দেশ !
তুমিও যেতেছ মেঘে মিশে,
একেলা কি হারাইব দিশে !

লুকাইল স্বপনের বালা !
নীরদ-আসনে কবি বসে,
মেঘখণ্ড অরুণে রঞ্জিত
ক্রমে ক্রমে কাছে আসে ভেসে ;—
ঘেরিয়া কবির চারি ধার
ধরে স্বর্ণ-তরলী আকার !

ধীরি ধীরি চলে তরী ভেসে,
অনন্ত নীলিমাময় দেশে ।
খণ্ড খণ্ড স্বর্ণ-মেঘগুলি—
মাবে মাবে হাঁসে, মধুমুখ ;—
কবি বলে, রূপের বিজলী
উপেক্ষা, সে কঠোর কৌতুক !

দেবে না দেবে না যদি ধরা—
 থাকহ মেঘের মাঝে পশি' ;
 খুলনা খুলনা মোহভরা
 উন্মাদক মোহন আরসী !

কল্পনে লো ! এ কি রঙ্গ তোর !
 স্বপনের সাথে হ'য়ে ভোর,
 কঠিনা সে ধরণীর পাশে
 নিয়ে চল মোরে স্বরা করি',
 কাজ নাই নীলিমায় ভেসে ;—
 সৌন্দর্য্য হেথায় ছায়া-নারী !
 উন্মাদক রূপের বিস্তার
 পরশিতে সাধ্য নাহি কার !
 এই সূক্ষ্ম স্বরগ অতুল ;
 এ হ'তে যে ভাল ধরা স্থূল ।

হেথা হৃদয়ের তরঙ্গ-উচ্চাস
 উঠে গিয়ে নাহি পায় কূল ;
 হৃদয়ে আঘাতে নিরবধি
 অতৃপ্তির অনন্ত অকূল ।

হেসে কহে স্বপনের বাল্য,—
 আকাশ-ভ্রমণে নাকি কবি !

দেখ চেয়ে, কোথায়—শয়নে !
যাই ত্বর, উদিতোছে রবি ।

নিদ্রাদেবী প্রধান সজ্জিনী ;—
মুদিলে নয়ন-পদ্মগুণি,
গোপন হিয়ার মাঝে পশি'
বাসনারে বাহিরিয়া আনি'
রচি' সাথে সাধের জগৎ ;—
অসম্ভব সম্ভবে মেলানি !
কখনো বা ভবিষ্যৎ-পট
উদ্ঘাটিয়া ঈষৎ দেখাই ;
সত্য মিথ্যা এক সাথে করি'
রহস্যের সাজিটি সাজাই !
হাসায়ে কঁাদায়ে হিয়াগুণি
খেলি মোরা সারাটি যামিনী ।

পলিত ।

দাঁড়াও দাঁড়াও ক্ষণ, —লহ নমস্কার ;
 এখনি করো না ব্যাপ্ত তব অধিকার ।
 দেহ-ঋণ—দেহ ঋণ আর কিছু দিন—
 তার পরে করে' লও তোমার অধীন ।
 দু একটি কাজ আর দু একটি গান
 এখনো রয়েছে বাকি, হ'ক সমাধান,—
 তার পরে ওই তব পুত্র অধিকারে
 শাস্তিচিন্তে প্রবেশিব সেবিতো তোমারে ।
 রিক্তহস্ত দিও দেব ! আশীর্বাদে ভরি' !
 মুছে দিও শেষ লেশ বাসনা-লহরী ।
 ঘন-ক্রান্ত তাপ-রক্ত বিকৃত-হৃদয়
 অমৃত-প্রলেপে দিও করে নিরাময় ।
 পুণ্যপ্রভা-আলোকিত ওই রাজ্য-মাঝে
 গুহ্র পরিচ্ছদ পরি' যাব নিজ কাজে ।
 হে লোলিত, হে পলিত, হে হিম-পাণ্ডুর !
 যৌবন-জীবন-মানি করে দিও দূর ।

নিরাভরণা ।

কি হেতু কাঁদিস মাগো, লুটায়ৈ ধরণী !

• তপ্ত অশ্রু, ঘন শ্বাস,

আলু-থালু কেশপাশ,

ঘন বন্ধে করাঘাত, যেন উন্মাদিনী ;

কি হেতু কাঁদিস মাগো, লুটায়ৈ ধরণী ।

পিতা মম অধোমুখে,

চেয়ে না দেখেন মুখে,

বিন্দু-বিন্দু অশ্রু-কণা নিষিক্ত মেদিনী !

ছয়ারে দাঁড়ায়ৈ তাঁর কণ্ঠা আদরিণী !

কি লাগি' কাহার তরে এত হাহাকার !

বলয়, নৃপূর, হুল,

স্বর্ণহার, কর্ণ-ফুল,

এত কি অমূল্য মাগো, কত মূল্য তার ;—

কি লাগি' কিসের তরে এত হাহাকার ?

সাজায়ে দেছিলি গো মা, মঙ্গল-বাসরে
 রাশি-রাশি অলঙ্কার,
 সুরভি কুসুম-হার,
 লালসার রাঙ্গা সূতা বেঁধে দিয়ে করে,—
 ফেলেছিলি বাসনার অতল গহ্বরে ;
 আচ্ছাদনবস্ত্রতলে,
 হলু-শঙ্খ-কোলাহলে,
 দেছিলে পরায়ে গলে পরশ-মাণিক ;
 সে দিনো ত কেঁদেছিলে,—মাতৃস্নেহে ধিক !

আজি এ রোদন কেন আবার জননী !
 তোমার স্নেহের নীড়ে
 কণা তোর এল ফিরে,
 দেখিছ না চেয়ে ফিরে কি হেতু নন্দিনী ?
 আজি এ রোদন কেন আবার জননী !

আঁখি মুছে উন্মাদিনী ! চেয়ে দেখ মুখে,—
 মণ্ডিতা ভূহিতা তব কোণ শুভ্রালোকে !
 পতিত স্বর্গের ছায়া হৃদয়-আকাশে,
 পূত পারিজাত-গন্ধ বহে শুক্রবাসে ;—

কুণ্ঠিতা লুণ্ঠিতা কেন পতিতা-ধরণী ?—
উঠে ত্বরা নে মা কোলে, অনিন্দ্য-নন্দিনী ।
শুভ্র তনু, শুভ্র বাস, এত কি বিষাদরাশ
আনে পো বহিয়া !

যে দিন এ তনয় লভেছিলে শৃঙ্খলায়,
শুভ্রবাসে পূত তনু সাদরে ঢাকিয়া,—
হেসেছিলে কত হাসি মুখ নিরখিয়া ।
আজিকে দুহিতা তোর সেই শুভ্রবাসে
এসেছে আলয়ে তোর ;
—কেন এ ক্রন্দন ঘোর ?—

কোলে লও মেহময়ী ! সেই হাসি হেসে !

সমুদ্রস্নানে ।

ঘন ঘোর-শিঙ মেঘ ফেলিয়াছে শ্বিরে,
 আমি স্নান করিতেছি সমুদ্রের নীরে ।
 পশ্চাতে ধরণী পাতি' শিঙ-শ্যাম কোল ;
 সম্মুখে প্রসারি' বাহু সিন্ধু উতরোল ।
 চির-মুক্ত রূপ-লুকু কাহার হৃদয়
 পারে সে থাকিতে স্থির এমন সময় ?
 প্রসারি' অমল পঙ্ক অর্ণবমরাল,
 ভাসিছে সমুদ্রবক্ষে সুন্দর 'সি-গাল' ;
 শ্রেণীবদ্ধ উড়িতেছে তরঙ্গ চুমিয়ে,
 ছিন্ন শুভ্র পুষ্প-হার কে দেছে ভাসায়ে !
 ছিন্ন করি' জননীর মেহের বন্ধন
 উত্তাল উচ্ছ্বাসে ওই দিগন্তে আলিঙ্গন—
 চাহিছে জীবন-বধু ছুটিতে আমার,
 ল'য়ে তার শত ছিন্ন কুসুমের হার ।

প্রথম আঘাতে এই নীল সিন্ধু-কূলে,
 চাহিছে এ শুভ্র বেশ ফেলিবারে খুলে ।
 মৃদু মৃদু গুরু গুরু স্নগস্তীর ডাক,
 কে বরে কাহারে কোথা ?—নিলাদিত শাঁক !
 উন্নমিত করি' মুখ শ্যাম-শম্পান্বর
 গরবিণী উপত্যকা, তুঙ্গপয়োধরা,
 নিরখিছে শিথ-কান্তি নব নীরধরে ;
 বিলম্বিত করি' তহু পয়োদ সাদরে
 করিতে আনন্দে যেন আনন আঘ্রাণ,—
 বাড়ায়ে দিয়াছে মুখ ;—মাদলিক গান
 গাহিছে চাতক স্নেহে উড়িয়ে উড়িয়ে,
 নব জল-কণা-পানে পরিতৃপ্ত হ'য়ে ।

মধ্যাহ্নে সমুদ্র ।

সরিয়া গিয়াছে জল, মগন উপলদল—

হরিত শৈবালদামে আচ্ছাদিত অঙ্গ ।

সারা নিশি করে' স্নান তীর-বাঘু করে' পান

রবির কিরণে এবে শুখাইছে অঙ্গ ।

নীলমগিপ্রভ জল, সূর্য্য করে ঝল-ঝল,

• সুনীল অশ্বরে দূরে গিয়াছে মিশিয়া ।

উভয়ে রাখিতে ভেদ সূক্ষ্ম এক রেখাচ্ছেদ

নীল পেন্সিলের দাগ কে দেছে টানিয়া ।

বিস্তারি' অমল পক্ষ, 'সি-গাল' লক্ষ লক্ষ,

ভাসিতেছে শ্রেণীবদ্ধ তরঙ্গ উপরে ;

যেন কোন নাগবালা বিচ্ছিন্ন-কবরী-মালা

নিষ্কেপি' গিয়াছে ডুবে সলিল-ভিতরে ।

ক্ষুদ্র শুভ্র পাল তুলি' ধীবরের নৌকাগুলি

ভাসিছে সুদূর নীরে রাজহংস প্রায় ।

হি-হি হি-হি অটু-হাসি' • ছুটে এসে ফেনরাশি

আছাড়ি' পড়িয়া তীরে ফিরিয়া পালায় !

অপরাহ্নে ।

ঐ ডুবে গেল বেলা অকূল-নীরে,
রাখিয়া ঈষৎ আভা বালুর তীরে ।
লইয়া ধূসর সন্ধ্যা তিমির-ডালি
সাগরে অস্থরে দিল লেপিয়া কালি ।

ধীবর গুটায় জাল ফেলিয়া কাঁধে
ফিরিছে আবাস-মুখে ভ্রিতপাদে ।
ওরে তুই কত রবি বসিয়া তীরে,
গুটায় লইয়া জাল চন্ না ফিরে ।

সারাটা দিবস ধরে' অকূল-কূলে
কি ছাই বাঁধিলি জালে দেখ না খুলে ।
সকালে বুনিলি জাল—শতক কাঁসী ;
দুপুরে ফেলিলি জলে ঘুরায়ে হাসি ।

কূলে কূলে ঘুরে ঘুরে কাটালি বেলা,
সাঁঝেতে গুটায় লও,—ভাঙ্গিল খেলা !
উদিয়াছে কাল মেঘ আকাশ ঘিরে ;—
আর কেন—আর কেন বসিয়া তীরে ?

সন্ধ্যায় ।

উজ্জ্বল সীমন্ত-মণি দীপ্ত শির'পরে,
 ঐ আসিছেন সন্ধ্যা শ্রান্তিনাশ তরে—
 প্রসারিয়া দুই কর 'স্থিরো ভব' বলি' ;
 উখিত গগনপথে বিহগ-কাকলী ;
 ধাপিত শৃঙ্খের ধ্বনি প্রতি ঘরে ঘরে ;
 ধ্বনিতেছে দিগ্ধিদিক উদাত্ত গম্ভীরে,
 সন্ধ্যারতা পুরাঙ্গনা দীপ লয়ে' করে,
 জ্বালিছে মঙ্গল-দীপ গৃহস্থের ঘরে ;
 ঘন বটবীথি মাঝে স্তবিতচরণা
 চকিত সভীত-মতি ক্রষক-অঙ্গনা
 ফিরিতেছে গৃহমুখে, কুন্তে ভরি' জল ;
 চলকে কলস-বারি—ছলাৎ চলল !

পারাবার ।

শত হাশ্ব, শত গান, রোদন, বেদন
উথলিছে একধারে ; করিয়া বহন
ছুটিছে বিচিত্র-পক্ষ বিহঙ্গম—কাল ।
বিচিত্ররূপিণী ধরা বৈচিত্র্যে মগন,
দেখাইছে খুলে খুলে নব ইন্দ্রজাল !

পার্শ্বে চিরপার্শ্বচরী, লাবণ্য বিক্লেপ
অঙ্গে অঙ্গে দৃষ্ট তার ; কি চারু ভঙ্গিমা !
কিছুই না দেখ চেয়ে, না কর ক্রক্ষেপ,
আপনে আপনি মত্ত উন্মাদ-গরিমা !

উথলিছ, গরজিছ, ফুলিছ সক্রোধে,
অশ্রান্ত অক্লান্ত ওই ঘোর উত্তেজনা
ভাঙ্গিয়া ফেলিতে চায় বেলা-অবরোধে ।
নিয়মের বাহুবন্ধ বুঝিতে চাহ না !

বলিছ কি সেই কথা ওহে পারাবার !
 নিয়ত গর্জন করি' মহাঘোর রোলে ?
 আমি জানি, জানি, কেবা বাঙ্কিত তোমার,
 ঐ সে আসিছে ওই ঘূর্ণিত-অঞ্চলে

আসীনা কঙ্কর-যানে ; রুক্ষ কেশজাল ;
 উড়িছে ধূসরবর্ণে দিগন্ত প্রসারি' !
 আসিছে ঝটিকা-বধু সামাল সামাল,—
 লইয়া উচ্ছেদ হাতে, দিগন্ত আঁধারি' ।

মুহমুহ বিক্ষেপিত কটাক্ষ করকা,
 ঘন-ঘন দীর্ঘশ্বাস দমকে দমকে,
 বাঁপারে পড়িল বক্ষে উন্মত্ত ঝটিকা !
 অধীর-হৃদয় সিন্ধু বিপুল পুলকে !

যেমন প্রচণ্ডা মেয়ে, অজানিত ঘর,
 উন্মত্ত ফেনিলোচ্ছল কূল-হারি বর !



খেলা ।

নগদেহে সিন্ধু তীরে স্মৃশ্চন্দ্র সৈকত 'পরে
ধীবরের বালা ।—
ক্ষুদ্র ঝিল্লুর তরী তরঙ্গে ভাসায়ে ধরি'
অবিশ্রান্ত খেলা,—
উপকূলে, একা, সারাবেলা ।

আহরি' শৈবালদলে, শয্যা রচি' কুতূহলে,
ক্ষুদ্র মানে করায় শয়ন ;—
মেহভরে করে নিরীক্ষণ !
নয়ন শফরী তুল, পৃষ্ঠে এক রাশি চুল,
কৃষ্ণ কণ্ঠে প্রবালের মালা ;
কৃষ্ণ প্রস্তরের গায়, ক্ষোদিত প্রতিমা প্রায়,
উপকূলে বালিকা একেলা ।
দূরে কৃষ্ণবিন্দু প্রায়, জেলে-ডিম্বি ভেসে যায়,
তরঙ্গের সাথে করে লুকোচুরী খেলা ।
—ঝিকি-মিকি বেলা ।

ভাসায়ে তরণী তার, পিতা গেছে পারাবার,
ফিরিবেক অবসানে বেলা ;
খেলে তীরে বালিকা একেলা ।

তীরে সিন্ধু কল-কল, ফেন-হাস্ত খল-খল,
আঘাতি উপলদল ভেঙ্গে ফেলে বেলা ;
—অবিশ্রান্ত খেলা ।

সহসা উদিল মেঘ, সাথে সাথে বায়ুবেগ,
মুহূর্ত্তেকে ছাইল আঁধার ;
গর্জিয়া উঠিল পারাবার ।

চকিতা কুরঙ্গী প্রায়, বালিকা চমকি চায়,—
ফুলিতেছে তরঙ্গ বিপুল ;
নৃত্য করে পাথার অকূল !

বালিকা দাঁড়ায়ে তীরে দেখিল, তরঙ্গ-শিরে
উত্তোলিত পিতার তরণী ;

প্রসারিত করি' কর, আশ্বাসে ধীবর-বর,—
দাঁড়া মাগো,—যাইব এখনি !

বালিকা তুলিয়া কর ডাকিতেছে, আয়্ ঘর !
ডুবে গেল ক্ষীণ কণ্ঠধ্বনি ;
এল তীরে আছাড়ি' তরণী !

সিন্ধু-গাথা ।

৪২

প্রবল শ্রোতের ঘায় ভাসিল বালিকা-কায়,—
 পিতৃ-কণ্ঠ ধরিল জড়ায়ে ;
ভেসে গেল খেলাঘর, পিতা পুত্রী একতর
 সৈকতেতে রহিল ঘুমায়ে !

লুকোচুরি ।

আমি, যেমন করেই পারি, .
 ধরিব তোমারে ধরিব,
 . ওগো গর্জিত কামচারী !
 খুঁজিব তোমারে কক্ষে কক্ষে,
 গোপন নগন বক্ষে বক্ষে,
 কোথায় করিবে আপনা রক্ষে,-
 খোলা যে সকল দ্বার-ই,—
 . ওগো গর্জিত কামচারী !

বিবিধ বরণে মধুর ছন্দে,
 উতল মধুতে, উথল গন্ধে,
 প্রকাশ-কিরণ-পূর্ণ-চন্দ্রে,
 হৃদয়-মানস-হারী ;

নবীন শাদ্বে নীল সিন্ধুজলে—
সতত ও রঙ্গ-তরঙ্গ উছলে,—
প্রতীপ-সমীরে ধীরে ধীরে ধীরে
পরশে পরাণ চুরি ।

শত অশ্রু-কণা, নিশির শিশিরে,
প্রবাহিত প্রেম-উৎস-নিঝরে,
ধ্বনিত বজ্রে, রণিত মল্লধ্বজে ;—
ধরিতে বলিছ ডাকি,—
দিয়া তমসে আবরি' অঁাখি !

প্রবাসে বর্ষা ।

পহেলা আষাঢ় আজি, মনে মনে আছি আঁচি'
 আজি হ'বে ধরিতে লেখনী ।
 রাত্রে হয় নাই ঘুম, পেট ফুলিবার ধুম,
 কত ক্ষণে পোহায় রজনী !
 পাশে খেলে ছেলে মেয়ে, রাজপথে আছি চেয়ে,
 চ'লে যায় পাশ্চ শত জন ;
 বয়ালের 'বাণ্ডি'গুলি, যুগ্মুর নিকণ তুলি',
 ছুটে যায় রণন বনন ;
 শ্বেত উচ্চৈঃশ্রবা যুড়ী মাঝে মাঝে চলে জুড়ি
 শ্বেতাদ্বিনী শোভি রাজপথ ;
 শিরোভূষা শোভা কিবা, ধবল মরাল-গ্রীবা-
 'পরে, পুষ্প-চান্দ্রারি রহৎ ।
 এরাই সে পুষ্পনারী যেন পথে করে ফিরি,
 লাবণ্যের সৌরভ অতুল !—
 তুলনার একশেষ এ দেশের কৃষ্ণ-কেশ,
 তাও নেছে, সেবিয়া তুল ।

সিন্ধু-গাথা ।

৪৬

আষাঢ়ও ভুলিয়া নাই, জলদ-উত্তরী তাই,
সারা অঙ্গে পরিয়াছে ঘিরে ;
ভাবে বুঝি মনে মনে জগত-জানিত দিনে
কি দেখাবে প্রবাসী কবিরে !
উত্তুঙ্গ শিখর-শিরে মেঘ নামিয়াছে ঘিরে,—
বপ্রকীড়া মত্ত নহে হাতী ;
যেন ওয়ান্টার-শিরে বরষা ধরেছে ঘিরে
ঘন-ঘোর নীল-আর্দ্র-ছাতি !
এ কি ! কাহার ভবন-শিখী, কেকারবে এল ডাকি'
প্রাচীরের পাশ হ'তে উড়ে ?
ক্রমে এসে বারান্দায় তঙ্কুল-কণিকা খায়—
অনাহূত অতিথি আষাঢ়ে !

গৃহ গুরু গুরু হাঁক্, আষাঢ় ছাড়িল ডাক্,
বায়ু সাথে মেঘ আসে উড়ে ;
শাণিত বিশিখ পারা বেকে পড়ে বৃষ্টিধারা
ধরা-অঙ্গে লক্ষ শর ফুঁড়ে ।
ক্ষুট গিরিমল্লিকায় সিন্ধি' নব কণিকায়,
নয় এ গে' বর্ষণ বিরল ।
পাশ্বে, পাশ্বেবধু ছুটে বারান্দায় আসে উঠে
আর্দ্র বাসে ঝরঝরে জল ।

কোথায় সে যক্ষবধু, বিরহ-ক্লেশিত বঁধু,
যুক্ত-করে মেঘে অহ্ননয় ;
সিদ্ধু করে ধরি' গিরি সারা ওয়ান্টেয়ার ঘিরি'
পরায়েছে নিগড় বলয় ।
চকিত করিয়া বিশ্ব ক্রমশঃ প্রচণ্ড দৃশ্য,
গড় গড় কামানের গোলা ;
সমুদ্র আফালি' ছুটে, শৈলপাদে উর্ষি লুটে,
ছুরন্ত এ দানবীর খেলা !
মৃহ মৃহ স্রমধুর কোথা বিরোগীর সুর,—
মন্দ মন্দ মৃদঙ্গ-নিকণ,
গাঁছ পালা ভাঙ্গে ঝড়ে, লেখনী খসিয়া পড়ে,
কড় কড় অশনি-গর্জ্জন ।

শ্রাবণে ।

তুমি কি রাখনি ভুলাইয়া হিমশীর্ণ মৃত্যুর মুরতি ?
 তবে কেন ভাবিব তাহারে, যার পরে ঢেলেছ বিস্মৃতি !
 হ'ক গুরু কৃষ্ণ কেশদাম, রেখাঙ্কিত হয় হ'কু ভাল ;
 যত দিন এই আঁখিযুগ রবে দীপ্ত হে বিশ্ব-ভূপাল !
 তোমারে হেরিব আঁখি ভরি', এই ভিক্ষা মাগি বিদ্বপতি !
 জলে স্থলে কুসুমের শাদলে ওই তব মধুর মুরতি ।
 বসি' এই নিভৃত কুটারে, স্বরূপ এই নীল সিন্ধুকূলে
 কে স্মরিবে তামসী মৃত্যুরে ? গুপ্ত ফণা থাকুনা সে তুলে !
 আঁখি মুদি' অন্ধ পরকাল ধোয়ান সে মুক্ত যোগিজন,
 চেয়ে চেয়ে আমি ডিরকাল রচি যেন সুন্দর দর্শন ।
 চ'লে যাবে সে সুপথ ধরি' তর্ক-শ্রান্ত ক্লান্ত পান্থ জন
 পুষ্পবাসে ঘন নীপচ্ছায়ে নিকৃষ্টেগে তোমার ভবন !

আজি প্রাতে মেঘ গেছে কেটে, বলমল স্বর্ণময় বারি,
 পটুবাসা পূর্বাশার দ্বারে দিগঙ্গনা লয়ে হেম-বারি
 ঢালিতেছে কনক-উদক নীলকণ্ঠ শ্রাবণের শিরে ;
 আর্দ্র করি' ঘন নীল জটা স্বর্ণধারা পড়িতেছে ঝরে ।
 শ্যাম ছত্র তালী-বনরাজি সিন্ধুশিরে ধরিয়াছে খুলে,
 ঢুলাইছে কনক-চামর নারিকেল কূলে কূলে ছলে' ;
 হরিত সুপুচ্ছ বুলাইয়া ঝাউ-শাখে বসি' শুকদল
 নব-রবি-করে ফুল-হিয়া গায় সুখে প্রভাতী মঙ্গল !
 শ্রাবণের সঘন বর্ষণ-মুক্ত আজি লঘু মেঘদল
 উড়ে উড়ে গগনেতে ফিরে পান করি' কনক তরল !
 দূরে নীল আকাশের কোলে ভেসে আসে শুভ্র পোতখানি,—
 ও পারের সংবাদ কাহার আনিছে এ প্রভাতে না জানি !

বক্ষিমচন্দ্র ।

তোমার হৃদয়-কন্দর হ'তে
কোন একদিন পুণ্য প্রভাতে
বয়েছিল যেই ক্ষুদ্র নিবার
তোমারি গৃহের কোণে ;—

দেখ আজি তার প্রবাহ প্রবল
চলেছে কি বেগে করি' কোলাহল
সজ্জন প্রান্তরে দেশ দেশান্তরে
কি গভীর গরজনে !

যে মহা রাগিনী ও হৃদি-যন্ত্রে
বেজেছিল ধীরে তন্ত্রে তন্ত্রে
আজি সে কি মহা-মিলন-যন্ত্রে
ছাইয়া ফেলেছে দেশ !

মলিন শ্রীহীন অধীন ভারত
আছিল পড়িয়া নিজ্জীববৎ ;
আজি নবীন জীবনে নব উদ্বোধনে
পরেছে নবীন বেশ !

কোন গ্রহে পুনঃ পেতেছ আসন,
সেথা কি এ বার্তা বহে সমীরণ ?
আজিকে তোমার সফল সাধন
তোমারি জনমভূমে— .
স্বপ্ন তুমিই মগন যুমে !

শ্রামলা স্রজলা জননী তোমার
তোমারে স্মরিয়া মুছে অশ্রুধার ।
“বন্দে মাতরং” বল একবার
সকলে মায়েরে ঘেরি ;
দাও মুছায়ে নয়নবারি ।

আজি পূর্ণ যুগ,—জীবন তোমার
ধরায় হ'য়েছে শেষ ।
কভু কি গো আর অভাব তোমার
পুরাতে পারিবে দেশ !

স্বাগত ।

গুরু-গুরু গুরু-গুরু হৃদঙ্গ-বোলনীর ;
সরসা বরষা আওল অবনীর ।
নলপত অপাঙ্গে মৃদু মৃদু ভাতিয়া ;
এলায়িত মেঘ-বেণী লুটাওত ছাতিয়া

আবৃত্তা ধরণী ঘন-ঘোর তিমিরে ,
উড়ত ওড়নীর মৃদু-মৃদু সমীরে ।
গুরু-গুরু গুরু-গুরু হৃদঙ্গ-বোলনীর ;
সরসা বরষা আওল অবনীর ।

হরষিত দিগ্‌নাগ ভর লেই ঝারি,
অভিষেক ঘনরাণী ;—বরখত বারি ।
খুলিয়া বলাকা সুগুহ্র ছাতি,
উড়ল অশ্বরে পুলকে মাতি ;

শিখরে শিখরে সঙ্গীত তুলি'
ধাইল নিঝর-বালিকাগুলি ;
আকুল হরষে সবেগে ছুটি'
পাষাণে পাষাণে তলুয়া লুটি' ।

লুকাল অশ্বরে দিবসাদিপ ;
ফুটল হাসিয়া কেতক, নীপ ।
মোদিত সুবাসে কানন-বীথি ;
পাপিয়া রসালে ধরিল গীতি ।

বাদিত হৃন্দুভি গম্ভীর ঘোষে,
আওল বরষা সুনীল বেশে ।
চমকে পলকে বিজুরী-জ্যোতি ।
পাতায় পাতায় ক্ষরিত মোতি ।

যো রহে সো রহে বিষাদে ভরা,
স্বাগত হামার মানস-হরা !

সীমাদ্রি-শিখরে ।

গুরু গুরু গুরু দেব-হৃন্দুভি
'উঠিয়াছে নভে বাজি' রে !
থমকি' চমকি' চকিত তড়িৎ
দিকে দিকে ছোটো নাচি' রে !

ললিত ঐ শৈল-শিখরে
নীরদ-সোপানরাজি রে !
অমরা হইতে কে এল মরতে—
মন্দার-দামে সাজি' রে !

ঝর ঝর ঝর ভূঙ্গার-বারি
ঢালে দিগন্তনা হরষে,
ফুটিছে শিহরি' কেতক, নীপ
কাহার চরণ-পরশে ?

দেখ দেখ দেখ, কার কেশদাম
ঢেকেছে সকল দিগন্ত ;
কার এ বিমল তনু-পরিমলে
সুগন্ধ ধরণী অনন্ত !

কাহারে নিরখি' শিখিনী শিখী
বহ' বিথারি' নাচিছে ?
গম্ভীর-স্বরে প্রারুট-শঙ্খ
কলাপি-কণ্ঠে বাজিছে ?

শিখ নীলিমা, চারু শ্যামলিমা
মধুর বরণ দৃশ্য রে !
কার তনু-ছায় ঘন নীলিমার
ফুটিয়া উঠেছে বিশ্ব রে !

গুরু গুরু গুরু হুরু হুরু হুরু
হৃদয় আমার কঁপিছে !
ঐ ঘন ঘন-মাঝে মেঘ-নির্ঘোষে
কে যেন আমারে ডাকিছে !

সিন্ধু-গাথা ।

৫৬

ঝঝ'র ঝর - নিঝ'র-স্বর-
মুখরিত গিরি অরণ্য,
চল আনি তুলি' গিরিমল্লিকা
চারু চম্পক বরেণ্য !

নীল লোহিত পাটল পীত
কুসুমপুঞ্জ সুরঙ্গ,
আলোক-ছায়া মিলিত কায়া,
যেন হরি-হর একাঙ্গ !

এই নিঝ'র-ধারে শৈলশিখরে
পূজিতে বর সুন্দরে ! ---
গাঁথ সজ্জনী ! প্রহ্নদাম,
গাঁথহ চারু ছন্দ রে !

নদীবধু ।

তন্নী মনোজ্ঞা পর্বতবালিকে,
 কপূর-ধবল-মরাল-মালিকে,
 জনবেণীরম্যা, গুচ্ছিত নিচোলে
 রাজত নদীবধু সৈকত ধবলে ;
 অয়ি, তরঙ্গানিল-কম্পিত-ছুকুলা,
 মৃদু-কল-কল্লোল কিশোরী স্মৃণীলা,
 ঝঝর নিঝর-সুপুষ্ট-দেহা,
 কাহে বিস্মরি কিশোরী ভূধর লেহা,
 জলবেণীরম্যা বহুর উপলে,
 কথি, ধাওত নির্মলে সৈকত ধবলে ।

যথা, আভাতি বেলা লবণাসুকায়ে,
 যথা, তালীবন-মস্মরিত স্নিগ্ধ বায়ে,
 যথা, ফুটফেনরাজি ফুরিত হাশ্বে,
 উন্মাদ উদধি তাণ্ডব-লাশ্বে ।

তমসাতীরে

কিবা,	গম্ভীর তমসা তমসপুঞ্জে,
যেন	মৌনাভিমানিনী মানক ভুঞ্জে ;
সুখ-	শায়িত সারস বেতসকুঞ্জে,
দিক-	অঙ্গনা বেদনা-বাপ্প নিমুঞ্জে ।
	তুষার-শীকর-শীতল রাত্রি,
হিম-	সজল-নিচোল তীরথ-যাত্রী ;
আহা,	সুকৃত-সঞ্চয়-আশয়-লুকা,
অব-	গুপ্তিতা, শঙ্কিতা, কল্পিতা, মুক্কা !

আয়েষা ।

• এমনি অতৃপ্তি মাঝে জানি না সে কোনদিন

আসিবে মরণ, - আমার কি তার ;

শত জন্ম শ্রোতে ভেসে, পাশাপাশি এসে শেষে,

নিরুদ্দেশে যাব ভেসে নিয়ে হাহাকার !

কার এ বিষম ভ্রম, - আমার কি তার ?

ঐ সুকেশিনী বরষার স্নিগ্ধ মেঘময় বেগী,

সুনীল শৈলের বুকে পড়েছে হুমিয়া !—

এ আকুল কুন্তলতার কভুত আনন তার

অমনি সোহাগভরে দেবে না ছাইয়া ;—

করাল সর্পিণী শুধু দংশিবে এ হিয়া ।

সিন্ধু-গাথা ।

৬০

অই যে সরলক্রমে নবপল্লবিতা লতা
জড়াইয়া শাখায় শাখায় ;—
সমীরণে তুলি' তুলি' মৃদল মর্মর তুলি'
শুনায় মধুর গাথা মধুর ভাষায়,
হায় ! এ বাহু-লতিকা মোর পবিত্র প্রেমের ডোর,
বাধিয়া বাহুতে তার রবে না লতিয়া --
কোনও মাধবীর সাঁঝে আপনা ভুলিয়া !

সন্ধ্যার সুরবর্ণরাগ রসালের অগ্রভাগ
করিছে সাদরে ওই কাঞ্চনে মগুন ;
আমার হৃদয়-বধু আমারি বঁধুরে শুধু
দেবে না সন্ধ্যায় কভু বিদায়-চুম্বন ।
গভীর সিন্ধুর বুকে বহিলে ঝটিকা ঘোর,
নীরবে সে পারে না সহিতে ;—
শত বাহু প্রসারিয়া উন্নত অধীর হিয়া,
ছুটে যায় লভিতে বাঞ্ছিতে ।

প্রেমিক হৃদয়-সিন্ধু দু'খানি অস্থির তলে
বহে নিত্য কি ঝটিকা ঘাত ;—
বুঝাতে কি আছে ভাষা ? শুধুই আকুল আশা
নিঃস্রব্ধে হৃদয় করে মুকুতা-প্রপাত !

ভাবনা ।

ভাবিতাম, ভাষার ছয়াতে হয় সদা চিত্ত-বিনিময় ;
 ঐ দূতী হ'য়ে অগ্রসর, মাঝে থেকে করে পরিচয় !
 শুভক্ষণে কোন সুপ্রভাতে ঘটেছে যে তোমায় আন্মায়—
 মনে পড়ে সে দিনের কথা, দুই যুগ পূর্ণ হ'ল প্রায় !
 লিপি দূতী করে' আনাগোনা, দুটি হৃদি করিল বন্ধন ;
 দেখিবার আগেই দোহার ঘটাইল অপূৰ্ণ মিলন !
 কুসুমের পরাগ যেমন সমীরণে হইয়া বাহিত
 সাধে সে ফুলের পরিণয়, দূর হাতে করে সঞ্চিত ।
 বসে' এই সুদূর প্রবাসে স্মরি' সদা ভাষার প্রভাব,
 মূক যেথা স্ননিপুণ দূতী, নিত্য সেথা প্রেমের অভাব ।

সিন্ধু-গাথা ।

৬২

এই মত নিরাশে বিখাসে কেটে যায় দীর্ঘ নিশিদিন,
হৃদয় সে প্রেমের দুর্ভিক্ষে দিন দিন হ'তেছিল ক্ষীণ !
আগে সে করেনি অনুভব,—আছে গুপ্ত শত দূতচয়,
এইরূপ নিরাশার দিনে খুলিল অদ্ভুত অভিনয় !
বুঝাইল,— হৃদয় মিলাতে নাহিক ভাষার প্রয়োজন,
হৃদয় সে হৃদয়ের ভাষা নীরবেতে করে অধ্যয়ন !
কে দেখে সে আঁখি-অন্তরালে প্রেমিকের স্মৃতিঙ্ক নয়ন,
মুহূর্ত্ত দৃষ্টির বিনিময়ে, হয় প্রেম-পয়োধি-স্বজন !
প্রবেশিতে প্রেমের প্রাকারে শত দ্বার সদা উন্মোচন—
প্রফুল্ল নয়ন, স্মিত হাসি, দুটি বাহু-লতার বন্ধন !

ধীরে ।

ওগো ! ধীরে ধীরে ধীরে ভালবেসো মোরে,
বহু দিন বহু মাস বহু বর্ষ ধীরে ;
সন্ধ্যার আঁধার যথা সুধীরে নামিয়া
ধীরে ধীরে ফেলে ঢেকে প্রান্তরের হিয়া ;
গভীর গভীর মৌন বচন-মহিমা ।
দিনে শত প্রেমপত্র শীঘ্র লভে সীমা ।

শিখাও ।

গুরু গম্ভীর গর্জনে অয়ি ! গাহিছ কি মহারাগিনী !
শিখাও আমারে শিখাও ওগো, আমি তব তীরবাসিনী !
গুরু গুরু গুরু ও রবে কাঁপিয়া
হৃদয় আমার উঠিছে মাতিয়া—
ঘন-রবে যেন শিখিনী !
শিখাও ওগো শিখাও আমারে, আমি তব তীরবাসিনী !
কিরূপে ঘাতিলে স্বরতরঙ্গে
উঠে ঘন ঘোর ঘোষ মৃদঙ্গে
চমকি' বধিরে, ছুটায় খঞ্জে, ফুটায় মুকের কাহিনী !
শিখাও আমারে শিখাও ওগো, আমি তব তীরবাসিনী !
নিজ্জীব হৃদি করিতে সজাগ
শিখাও আমারে সেই মহারাগ,
যে রাগে ফুলিয়া ছুটে গরজিয়া আফালি' অমৃত নাগিনী !
প্রাপ্ত হ'তে প্রাপ্ত করি' চমকিত
যে রাগে গগনে প্রবাহে তড়িৎ—
অভ্রভেদী চূড়া ভেঙ্গে করে গুঁড়া যেই রাগে মাতি' অশনি !
শিখাও ওগো শিখাও আমারে, আমি তব তীরবাসিনী !

পূর্ণিমায় ।

তমিস্রার অঙ্গ-আবরণ

কোথায় পড়িয়া গেছে খুলে,

গৃহে গৃহে গবাক্ষে পশিয়ে

দেখে শশী, নারী-গ্রীবা-মূলে !

খণ্ডে খণ্ডে কুণ্ডলিত হ'য়ে

গ্রীবা-মূলে রয়েছে গুটিয়ে !

আজি নিশি স্ফটিকবরণ !

পূত গুরুবসনা সুন্দরী

বিছাইয়া শ্বেত চেলাকুল,

ঢালিয়াছে অঙ্গের মাধুরী ।

ভাবে শশী অনিমেষ-আঁখি,—
শুভ্রবাসে এত রূপরাশি ?
অভিসারে ব্রজ-কমলিনী
নীলাশ্বরে সাজিত রূপসী !
সুসজ্জিত মোহন কবরী
নাহি আজি শত তারা-ফুলে,
এলায়ে ছড়ায়ে কেশরাশি
ছায়া মাঝে—পড়িয়াছে খুলে ;
বিবশা বিহ্বলা নিশি ঘুমে,
নিমীলিত কমললোচন ।
লীলাময় চঞ্চল সৌন্দর্য্য
কাছে শাস্ত ছবি কি মোহন !
উন্মাদক কি সুধার স্রোত
ধরা-অঙ্গে উঠেছে উথলি',
আঁখি-পথে পিয়ে প্রিয় কবি !
গাও দেখি হৃদি প্রাণ খুলি' ।

মুক্তা ।

শতবার শত সুন্দর রূপ

আঁকিয়ে নিয়েছি চিত্ত-মাঝে ;

আঁধির পিপাসা তবুও গেল না,—

তুমি সাজ কত নব সাজে !—

কখনো এলাও নিবিড় কুন্তল—

কভু সুনীল কবরী ফুলে ঝলমল,

কখনো লুটাও লোহিত অঞ্চল

নীল গগন-অঙ্গন মাঝে !—

কখনো ভূষিত মুকুল মঞ্জরী,

‘আকুল মধুপ গুঞ্জরি’ গুঞ্জরি’

শত শতদলে চরণ-মাধুরী

বিজুরী লাজিত লাজে ;

তুমি সাজ কত নব সাজে ।

সিন্ধু-গাথা ।

৬৮

কভু গুরুবসনা স্বপ্নবিবশা,
নগ্ন মাধুরী এলায়িতকেশা,—
নিশীথ নিভৃত মাঝে
তুমি সাজ কত নব সাজে !

মধু মাসে মাধবী ।

তোমার স্মরণে ফিরে' নবীন যৌবন আসে,
তোমারি মনোজ্ঞ ছবি অন্তর-নয়নে ভাসে ;
বিশীর্ণ এ দেহ-লতা,
বিশুদ্ধ অধর-পাতা,
পদে দলি' যায় চলি' এবে সবে উপহাসে ;
তোমারে স্মরিলে তবু নবীন যৌবন আসে ।

পুলক-শোণিতরাশি প্রবাহিত শিরে শিরে,
লাবণ্য-তরঙ্গোচ্ছ্বাস সারা দেহে ফুটে ধীরে ;

কচি কিশলয়-রাগ
আবার অধরে ফুটে ;—
সাধের মুকুল-কুল
পরিমলে ভরি' উঠে ;—

কোথা তুমি দূর বাসে, সুখ-সুপ্ত পারিজাতে,
তোমার স্বপন-ছায়া, আমারে জাগায় প্রাতে
সুচির যৌবনরাশি
কোথা তব হৃদে রাজে,
ষাহার পরশে ধরা
চির নব সাজে সাজে ?

চিত্র । .

তাত্র-কটাহ প্রোজ্জ্বল নভ
 লুপ্ত করেছে দৃশ্য,
 ঘোর অঞ্জন-স্নিগ্ধ ছায়ে
 আবৃত হয়েছে বিশ্ব ;
 দূর দিগন্ত শৈল-প্রান্ত
 মাখিয়া ধূমল কান্তি,
 মেঘে শৈল, শৈলে মেঘ—
 আনিয়া দিতেছে ভ্রান্তি
 দূরে দূরে অতি সূদূরে
 লুপ্ত সিন্ধুরেখা,
 স্বপ্নরাজ্য যেন বা ধরা—
 অক্ষুট ছায়া-লেখা

নিবিড় হ'তে নিবিড়তম
এ ঘোর অভ্র-পটে,
কোন্ অদৃশ্য গোপন দৃশ্য
এখনি উঠিবে ফুটে ।

সমুদ্র-গর্জন-শ্রবণে ।

বহুজনাকীর্ণ স্থানে বহু সংঘর্ষণে .
 উঠে যে হল্‌হল ধ্বনি, লয় মোর মনে,
 এও তাই । সহস্রের ঘাত-প্রতিঘাতে
 সমুখিত ও কল্লোল মিশেছে তোমাতে ।
 বিপুল তরঙ্গ-ভঙ্গে শত স্রোতস্বিনী—
 তারি ঐক্যতান, তারি ও মহারাগিনী
 ধ্বনিত হতেছে চির নীলাশ্বরতলে ;
 মহাছন্দে মহাবাগী গর্জিয়া উথলে ।
 শত উন্মাদিনী যেন মিলে এক স্থানে,
 নাচিছে 'উত্তোলি' বাহ, তাণ্ডব নর্তনে
 হারাইয়া দিগ্বিদিক ; ফেন-গুত্র হাসি
 তরঙ্গে তরঙ্গে ছুটে 'উচ্ছ্বসি' 'উচ্ছ্বসি' ।
 এমনি প্রচণ্ড নৃত্যে নারী গরীয়সী,
 নেচেছিল ঝান্সীর শ্রেয়সী মহিষী ।

অমনি ভৈরব নৃত্যে, অমনি নির্ভীক,—
 মেতেছিল একদিন মহারাষ্ট্র, শিখ ।
 তোমারি—তোমারি কাছে উন্মত্ত পাথার,
 শিখেছিল ওই নৃত্য তেজস্বী তাতার ;
 একদিন ওই নৃত্য, ওই মহাগান
 শিখেছিল পরে পরে সারা হিন্দুস্থান ।
 আজি তারা নিদ্রামগ্ন ।—কি অভিসম্পাতে
 জাগে না হৃদয় আর ওই মহা ঘাতে ।
 ঐ গান, ঐ তান না শিখায় কারে—
 একতার পরাক্রম অবনী-মাঝারে !
 অমনি উন্মাদ-নৃত্যে চমকিয়া ব্যোম
 নেচেছিল ভীম গ্রীস ; মহাভূমি রোম ।
 চ'লেছে তোমার নৃত্য চির অবিরাম ;—
 তারা আজি স্তম্ভিক্রোড়ে লভিছে বিশ্রাম ।

নাহি কি ও কণ্ঠে তবে সেই উন্মাদনা ?—
 ওই নৃত্যে আজি আর নাচিয়া উঠে না
 গগন কম্পিত করি' ?—মহাঘোর রোলে
 শুধুই ও ব্যর্থ বাণী নিয়ত উথলে !

হৃদয় ও সিন্ধু ।

হে বারিধি,

মুগ্ধ ছুটি আঁখি মোর চাহিয়া তোমার পানে
কত কি জিজ্ঞাসা করে নিত্য নিশি দিনমানে !

না দাও উত্তর কিছু, গরবে আপনা-হারা
হাসিয়া লুটায় পড়, মহতের একি ধারা !

সত্য বটে, ওই রূপে মোহিত মানস মম,
মানি তব ধরা মাঝে অতুলিত পরাক্রম ;

তবু সিন্ধু গর্ভ তব হিয়া হ'তে কর দূর,
তোমায় আমার ভেদ আকাশ পাতালপুর !

বিপুল তরঙ্গ তব ক্ষুদ্র নরে অবহেলে—

ছ'খানি কাঠের যোগে বন্ধ তব যায় দলে' ; —

কোথা গুপ্ত মগ্ন শিলা, মুকুতা প্রবাল, মণি,

ক্ষুদ্র নরে আছে জ্ঞাত বিপুল হৃদয়খানি ।

সিন্ধু-গাথা ।

৭৬

যতই গভীর তুমি হওনা ক নীরনিধি,
মানব-জ্ঞানের শেষ ছুটিয়াছে সে অবধি ।
কি তরঙ্গ উথলিত মানব-হিয়ার মাঝে,
নাহিক তোমার সাধ্য যাইতে তাহার কাছে ।
সামান্য সমীরে বক্ষ উঠে তব আকুলিয়া,
সে বেগ সহিতে নারে প্রশান্ত বিপুল হিয়া ।
হৃর্জনের বাক্যশেল, পুত্রশোক জননীর,
প্রেমের হতাশা, আর বন্ধুর বিচ্ছেদ ধীর,
সহিতেছে অবিরাম ক্ষুদ্র এই নর-হৃদি
তবে, হয়োনা ক ক্ষীণগর্ভ তুমি অত হে বারিধি ।
তুমি রবে কিছুকাল, আমি যাব নিরুদ্দেশ,
তব মনে রেখ সিন্ধু ! আমার কথাটি শেষ ।

. সিন্ধুর প্রতি বিদায়োক্তি ।

তবে, বিদায়,—হে নীরনিধি ! চলিছ এখন,
 তব শান্তিময় তীর করিয়া বর্জ্জন !
 যে আশা বহিয়া বুকে আসি তব পাশ ;—
 উদার-হৃদয় তুমি,—করনি নিরাশ ।
 অধিকন্তু দিয়াছ হে প্রবাল দুটীরে,
 তব তীর-জাত-চিহ্ন প্রবাসী কবিরে ।
 জানি না—আসিব কিনা তব পাশে ফিরে
 প্রসন্ন বিদায় দেহ লুকা এ মুষ্কারে ।

ছিল সাধ,—তীরে তব করিয়া শয়ন
 মুদিব অস্ত্রিমে সখা ! এ হুঁটী নয়ন !
 উদার প্রকৃতি মাঝে বেলায় অঞ্চলে
 সমর্পিয়া দেহ-ভার স্নেহে যাব চ'লে ।

সন্ধ্যার সুবর্ণ-রাগ মুমূর্ষুর 'পরে
 ঝরা আবিরের মত পড়িবেক ঝ'রে।
 আসিবে তুমি হে ! বাহ বাড়ায়ে সাদরে ;
 নিত্য যাহা নিতে চাও, দিব তা তোমারে ।
 তুমি কি বুঝিতে পার উন্মত্ত সাগর !
 নিয়তির সূক্ষ্ম রেখা কত সূক্ষ্মতর ;—
 কত দিন নিতে মোরে বাড়ায়েছ হাত,
 অদৃশ্য কাহার হস্ত দিয়েছে ব্যাঘাত ?
 হায় ! কোথা রুদ্ধ-গৃহে এ জীবন যাবে,—
 হু'জনের মনোসাধ মনেই মিলাবে !

এবে, যেতেছে যে অনিচ্ছায় করি' পরিহার,
 রবে কি হৃদয়ে সিন্ধু স্মৃতিটি তাহার ?
 যথা, কোনো কিশোরীর সকৌতুক আঁখি
 দম্পতীর গৃহরন্ধ্রে পাড়ি উ'কি ঝুঁকি,
 গোপনরহস্তরাশি লয় বাহিরিয়া
 প্রাচীরের আবরণ অনা'সে ভেদিয়া ;
 তথা, উষার আলোক পশি' দ্বার-রন্ধ্র দিয়া
 যবে, গৃহের তামসরাশি লইবে টানিয়া,—
 যবে, গগন-প্রাপ্তগণ মাঝে হ'য়ে পথ-হারা
 জলিবে বিবলমুখে হু'একটি তারা ;

যবে, কেতকীর পরিমল করিয়া বহন
 আসিবে প্রাঙ্গণে মোর প্রভাত-পবন ;
 যথা, প্রবাসী বন্ধুর লিপি—পূর্ণ মিষ্ট ভাষে ;—
 লইয়া ‘আপলসাম’* নিত্য প্রাতে আসে ।
 যবে, কুহেলি-উত্তরী তুমি করি’ উন্মোচন,
 বক্ষে ধরি’ প্রভাতের নবীন তপন,
 চাহিবে কুটীরে মোর ;—পাবে না দেখিতে
 তোমার নয়ন সাথে নয়ন মিলাতে
 দাঁড়ারে রয়েছে কেহ ;—মুগ্ধ আঁখি তুলি’ ;—
 না জাগিতে তালীকুঞ্জে প্রথম কাকনি !

তার পর,—কালো মেঘে আলো লেগে শোভিবে যখন
 সূর্যের প্রান্ত,—যথা সুনীল বসন ;—
 আর্দ্র বেলাভূমে পড়ি’ উজ্জল কিরণ
 সোনার মুকুরখানি পাতিবে যখন,
 সহস্র তরঙ্গশিশু আসিয়া ঝাঁপিয়ে
 হেরিতে আনন শুভ্র পড়িবে হুমিয়ে ;
 যখন তোমার নীরে তরঙ্গ-চূড়ায়
 লালিবে ঈষৎ আভা ধবল ফেনায়,

* ডাক-বাহী বেহারার নাম

সিন্ধু-গাথা ।

৮০

নানাবিধ বিহঙ্গম মোর গৃহচূড়ে—
ঝাউয়ের শাখায় কেহ,—ডাকিবে স্রস্বরে ;
তখন আমারে সিন্ধু ! পাবে না দেখিতে—
সাগ্রহে তোমার তীরে শুক্তি কুড়াইতে !

তার পর বেলা হ'লে, তব নীল জলে
নামিলে মানের তরে বিমুক্তকুন্তলে,
ছুটে এসে বার বার আনন্দ-চপল
আলিঙ্গনে আলিঙ্গনে করিয়া বিহ্বল,
পরিশ্রান্ত ক্লান্ত করি' দিবে না আমারে
অবিরাম বার বার সোহাগ-প্রহারে
চিরতরে হৃদে তব লইতে টানিয়া
বিপুল তরঙ্গোচ্ছ্বাসে ;—দিবে না ফেলিয়া !
হাসিতে হাসিতে উঠে যাব পলাইয়ে
পিছু পিছু ধরিবারে আসিবে গোড়ায়ে ;
মধুর প্রণয়-খেলা আজি হ'ল শেষ,
অরিতে নিশ্চয় বন্ধু ! পাইবে গো ক্লেশ !

মনে কি রাখিবে প্রিয়,—কিংবা যাবে ভুলে,
অকূল হৃদয় পূর্ণ রহস্য বিপুলে ?

লীলাময়ী সুরঙ্গিনী তরঙ্গিনীদল
তোমার হৃদয়, সিন্ধু, নিয়ত চঞ্চল
—করিছে রহস্তোচ্ছাসে—সদা অনিবার।
তার মাঝে মোরে মনে রহিবে কি আর !

আগি, ভুলিব না ওই তব প্রশান্ত মুরতি !
আসি তবে, বিদায় হে—দেহ সরিৎপতি !

যুবে, নিদাঘেতে কাদম্বিনী উদিয়া গগনে
ফেলিবে করাল ছায়া তোমার জীবনে ;—
ক্ষোভে রোষে হ'য়ে তুমি বন্ধ-পরিবর,
মাতিবে হে দ্বন্দ্বযুদ্ধে হ্রস্ব সাগর !—
বহিলে ঝটকা গুরু বক্ষেতে তোমার,
কে তোমায় সান্ত্বনিবে আমি বিনা আর ?
সর্ব দেশে, সর্ব কালে, সর্ব অবস্থায়
সান্ত্বনা মিলে হে মিতে ! কবির ভাষায়।

ধবল বালুকাস্তূপ আলোকিত করি'
ঘুমায়ে পড়িবে যবে স-চন্দ্র-শর্করী ;

প্রীতিভরে বক্ষে তব বাহু জড়াইয়া
তরঙ্গে তরঙ্গে মগি উঠিবে জলিয়া ;
তা দেখে মুগ্ধ নেত্রে কুটীর-শয়নে
বিশ্বসুন্দরের কথা ভাবিব না মনে !
চিরতরে হৃদি-পটে নিলেও আঁকিয়া,
পরিতৃপ্ত নহে তবু প্রেমিকের হিয়া ।
রঙ্গ তুলি নিয়ে তাই আঁকিতে তোমা-
কত মতে কত রূপে যাই ধরিবারে !

এখন প্রশান্ত তুমি,—সুনীল সাগর ;—
নীলমগি-প্রভ জল কিবা মনোহর !
সারাদিন মুগ্ধ মন ওই রূপে হায় !
এ সময়ে যেতে হ'ল ছাড়িয়া তোমায় !

হৃদয় করেছ চুরি ঐ নীল নীরে ;
শূণ্য দেহ ল'য়ে সিন্ধু ! গৃহে বাই ফিরে !
ভুলিব না তোমা কভু ; ভুল না আমায় ;
আসি তবে নীরধি হে, বিদায় ! বিদায় !!

জাহ্নবী ।

সর্বজনসমাদৃত উৎকৃষ্ট মাসিক পত্রিকা
বার্ষিক মূল্য ডাকমাণ্ডুল সমেত ১ টাকা মাত্র ।

শ্রীমতী গিরীন্দ্রমোহিনী দাসী

সম্পাদিত ।

শ্রীযুক্ত নলিনীরঞ্জন পণ্ডিত

সহকারী সম্পাদক ।

জাহ্নবীতে

এ পর্য্যন্ত শ্রীঅক্ষয়চন্দ্র সরকার, শ্রীতারাকুমার কবিরহ, শ্রীজ্যোতিরিন্দ্রনাথ ঠাকুর, শ্রীরবীন্দ্রনাথ ঠাকুর, শ্রীহীরেন্দ্রনাথ দত্ত, শ্রীকিশোরীলাল সরকার, শ্রীশশধর রায়, শ্রীহারাগচন্দ্র রক্ষিত, শ্রীবীরেশ্বর পাণ্ডে, শ্রীদেবেন্দ্রনাথ সেন, শ্রীজলধর সেন, শ্রীঅক্ষয়-কুমার বড়াল, শ্রীচণ্ডীচরণ বন্দ্যোপাধ্যায়, মহামহোপাধ্যায় শ্রীসতীশচন্দ্র বিদ্যাভূষণ, শ্রীদীনেশচন্দ্র সেন, শ্রীসুধীন্দ্রনাথ ঠাকুর, শ্রীপ্রমথনাথ রায় চৌধুরী, শ্রীহরিসাধন মুখোপাধ্যায়, শ্রীপাঁচকড়ি দে, শ্রীব্যোমকেশ মুস্তফী, শ্রীযতীশচন্দ্র মুখোপাধ্যায়, শ্রীমহেন্দ্রলাল মিত্র, শ্রীপ্রকাশচন্দ্র দত্ত, শ্রীমুণীন্দ্রনাথ ঘোষ, শ্রীপ্রিয়নাথ সেন, শ্রীক্ষীরোদপ্রসাদ বিদ্যাবিনোদ, শ্রীনগেন্দ্রনাথ গুপ্ত, শ্রীঅবনীন্দ্রনাথ

ঠাকুর, শ্রীশরচ্চন্দ্র শাস্ত্রী, শ্রীবিনোদবিহারী বিদ্যাবিনোদ, শ্রীশচীশ-
 চন্দ্র চট্টোপাধ্যায়, শ্রীনরেন্দ্রনাথ ভট্টাচার্য্য, ডাক্তার গোপালচন্দ্র
 চট্টোপাধ্যায়, শ্রীমতী গিরীন্দ্রমোহিনী দাসী, শ্রীমতী মানকুমারী
 দাসী, শ্রীমতী সরলাবালা দাসী, শ্রীমতী সরোজকুমারী দেবী, শ্রীমতী
 কান্দম্বিনী দাসী, শ্রীমতী সুরেশ্বরী দেবী, শ্রীমতী কৃষ্ণসোহাগিনী
 দাসী ও শ্রীমতী রত্নমালা দেবী প্রভৃতি বঙ্গভাষার সুপ্রসিদ্ধ লেখক
 ও লেখিকাগণের লিখিত প্রবন্ধাদি প্রকাশিত হইয়াছে। এতদ্বিন্ন
 শ্রীইন্দ্রনাথ বন্দ্যোপাধ্যায়, শ্রীদামোদর মুখোপাধ্যায়, শ্রীচন্দ্রনাথ
 বসু, শ্রীঅক্ষয়কুমার মৈত্রেয়, শ্রীধরেন্দ্রনাথ মিত্র, শ্রীসরোজকুমার
 ঘোষ, শ্রীঅমূল্যচরণ ঘোষ বিদ্যাভূষণ, শ্রীসখারাম গণেশ দেউল্লর,
 শ্রীনারায়ণচন্দ্র ভট্টাচার্য্য বিদ্যাভূষণ, প্রভৃতি স্বনামধন্য লেখকগণও
 ইহাতে লিখিত প্রতিশ্রুত আছেন। ক্রমশঃ ইহাদের লিখিত
 প্রবন্ধাদি প্রকাশিত হইবে।

জাহ্নবীর আকার সাধারণতঃ ডিমাই ৮ পেজা ৪।৫ ফর্দা।
 কিন্তু ভাল প্রবন্ধাদি পাইলে আরও অধিক দিতে কার্পণ্য করা
 হইবে না। অত্যাৎকৃষ্ট স্বদেশী কাগজে উৎকৃষ্টরূপে মুদ্রিত। অথচ
 বার্ষিক মূল্য ডাকমাণ্ডল সমেত উপস্থিত একটী টাকা মাত্র।

এই কারণে, বঙ্গ-বিহার-উড়িষ্যার সর্বত্র, এমন কি পাক্কাব,
 বর্মা ও সুদূর নেপাল প্রভৃতি স্থলেও জাহ্নবীর গ্রাহকের অভাব
 নাই। বিজ্ঞাপনদাতারা এ সুযোগ যেন হেলায় না হারান।

Amritabazar Patrika—We are glad to find
 the getup, the paper, and the printing of this
 magazine are excellent and at the same time

it is a cheap vernacular. We are assured that this magazine is likely to take its place among the first-class magazines of Bengal.

Telegraph—We may safely say that this cheap magazine may well stand comparison with many of the first rate magazines of Bengal.

বঙ্গবাসী :—ছাপা সুন্দর, মূল্যও সুলভ, বিষয়গুলি সুপাঠ্য। এমন অল্প মূল্যের সুপাঠ্য মাসিকপত্র আর নাই।

বসুমতী :—একটাকা মূল্যে এরূপ সুন্দর ও বহু মাসিক পত্রিকা প্রদান করা সম্পাদকের পক্ষে কম গৌরবের কথা নহে।

আনন্দবাজার :—জাহ্নবীর দেহসৌন্দর্য সর্বজন-চিন্তা-কর্যক, কাগজ উত্তম, মুদ্রাঙ্কণ পরিপাটি। প্রবন্ধগুলি সুনির্বাচিত, সুখপাঠ্য ও শিক্ষাপ্রদ। ইহা সম্পাদকের প্রবন্ধ-নির্বাচনী শক্তির যথেষ্ট পরিচায়ক। এইরূপ পত্রিকা পরিচালনে যেরূপ অর্থব্যয় হইয়া থাকে, তাহার তুলনায় জাহ্নবীর মূল্য অতি অল্প - বার্ষিক, ডাকমাণ্ডুলসহ ১ টাকা মাত্র।

সাহিত্য :—আমরা সর্বাভঃকরণে কামনা করি, “জাহ্নবীর” প্রবাহ চির-প্রবাহিত হউক।

ভূতপূর্ব বিচারপতি মাননীয় স্যার গুরুদাস বাবু বলেন :—জাহ্নবী পত্রিকার কয়েকখণ্ডে অনেকগুলি সুন্দর ও শিক্ষাপ্রদ প্রবন্ধ আছে। বলা বাহুল্য, অর্থশাস্ত্র সম্বন্ধে,

শ্রীযুক্ত বাবু কিশোরীলাল সরকার মহাশয়ের লেখা অবশ্যই সর্বত্র সমাদৃত হইবে।

শ্রীযুক্ত জ্যোতিরিন্দ্রনাথ ঠাকুর বলেন :—

জাহুবীর লেখা বেশ হইতেছে। প্রবন্ধগুলি বেশ সুপাঠ্য। শ্রীযুক্ত কিশোরীলাল সরকার মহাশয়ের ঋায় সুযোগ্য লেখক যে বাঙ্গালা সাহিত্যের আসরে নামিয়াছেন, ইহা বঙ্গসাহিত্যের পরম লাভ। এখনকার দিনে অর্থশাস্ত্রের (Political Economy) তত্ত্ব সকল সাধারণ পাঠকদিগকে বুঝাইয়া দেওয়া নিতান্ত আবশ্যক। কিশোরী বাবু আমাদের বর্তমান অবস্থার সহিত মিল করিয়া অর্থশাস্ত্রের কতকগুলি তত্ত্ব বেশ সহজ ভাষায় ও বিষদভাবে বুঝাইয়া দিয়াছেন। * * * সর্বান্তঃকরণে আপনার জাহুবীর উন্নতি কামনা করি

বিশ্বকোষ-সম্পাদক শ্রীযুক্ত নগেন্দ্রনাথ বসু বলেন :— আপনার জাহুবী আমাদের বড় আদরের। যেরূপ যোগ্যতার সহিত আপনার জাহুবী সম্পাদিত হইতেছে, তাহা প্রশংসনীয়। আপনার অধ্যবসায়ের, জ্ঞান আমার আন্তরিক ধন্যবাদ। প্রতি মাসেই আপনার পত্রিকায় সুনির্বাচিত প্রবন্ধগুলি পাঠ করিয়া বড়ই আনন্দ অনুভব করি।

সুপ্রসিদ্ধ লেখক শ্রীযুক্ত ইন্দ্রনাথ বন্দ্যোপাধ্যায় বলেন :—• • • পড়িয়া দেখিলাম জাহুবী খাশা কাগজ।

শ্রীপূর্ণচন্দ্র দত্ত, কাছাধ্যক্ষ, জাহুবী,
৯/১ জোড়াপুকুর স্কোয়ার ; কলিকাতা।

